

## Misela i le aoga amata o loo iai lau tama

E iai se tasi o loo maua i le misela o loo aoga iinei, ma e atonu ua maua ai lau tama i le faama'i. O loo faailoa atu i le tusi lenei mea e tatau ona e faia.

O le misela o se siama matautia e vave tele le pipisi. E masani ona faalogoina e tagata le faama'ima'ia, ma e moomia le vaai o se foma'i. E pipisi gofie le misela mai le tasi tagata i le isi.

### E lē moomia ona e faia se mea pe afai:

1. E tasi le tuipuihui o lau tama mo le misela (MMR) ua uma ona fai i le 2 vaiaso pe sili atu talu ai nei. O faamaumauga o tuipuihui ua fai e tatau ona faamau i le tusi a le Well Tamariki Child (Plunket), poo faamaumauga a le tou foma'i faaleaiga. Faamolemole faailoa faamaumauga o tuipuihui a lau tama, i le aoga amata.

2. PE sa maua muamua lau tama i le misela.

Toetiiti atoa le puipui o lau tama mai le misela pe afai na aafia i tulaga o loo ta'ua i luga. E mafai lava ona alu pea lau tama i le aoga.

### E moomia ona taofi lau tama i le fale e aunoa ma se fesootaiga ma isi mai le aso seia aulia le \_\_\_\_\_ pe afai:

1. E lei faia se tuipuihui o le MMR o lau tama po'o le
2. Lei atoa le 2 vaiaso talu ona fai le uluai tuipuihui o le MMR o lau tama ma
3. E lei maua muamua lau tama i le misela.

E lē o malosi le tino o lau tama e tetee atu i faama'i ma e ono aafia i le misela. E ono pipisi atu i isi.

E moomia ona taofi lau tama i le fale i le taimi lea. E lē tatau ona fealuai i fafo atu. E ono pisia isi tagata i lau tama pe afai ua amata ona sasao le misela.

### Mataala e vaai āuga o le misela

E masani ona faato'ā alia'e āuga o le misela i le mae'a ai o le 10 i le 14 aso talu ona maua ai se tasi i le faama'i.

Afai ua tetee le fiva o lau tama, ua tafe le isu, tale, mūmū mata, pe pata le tino, vaai loa se foma'i (vili muamua e faailoa i lau foma'i masalosalo o le misela a'o lei vaai le foma'i ma ave i ai le tusi lenei).

Afai e le mafai e lau tamaitiiti ona tetee atu i faama'i (mo se faata'ita'iga, na ola mai lava e lē malosi poo fai sona togafitiga faapitoa mo le kanesa), faamolemole faafesootai lau foma'i e faatalanoa ai le mataupu.

Mo nisi faamatalaga e uiga i le misela, faafesootai le Healthline i le 0800 611 116 pe tagai i le

[www.arphs.health.nz/measles](http://www.arphs.health.nz/measles)

### Mo tamaiti e lē o malolosi tino e tetee atu i faama'i: o le fai o tuipuihui le puipui sili ona lelei

O tagata ua faia le tuipuihui mo le Misela, Mami ma le Rupela (MMR), e masani ona sili atu i le 95% le tele o le puipuiaga mo i latou mai lea faama'i. I le taimi nei i Aukilani, o loo fai tuipuihui o le MMR mo tamaiti ua atoa le 12 masina ma tamaiti ua atoa le 4 tausaga le matutua

Matou te fautuaina malosi oe ina ia fai le tuipuihui MMR mo lau tama pe a mavae le vai taimi sa faaesea ai mo puipuiaga, mai le maua ai i le misela, mami ma le rupela. Fesili i le tou foma'i faaleaiga mo nisi faamatalaga.